

- Na osnovu provedenog postupka u skladu sa Zakonom o javnim nabavkama Bosne i Hercegovine, ("Službeni glasnik BiH", broj 39/14), a po Konkurentskom zahtjevu broj: 05.12.100- 2770-2/17 od 08.06.2017.godine, te Odluke o izboru najpovoljnijeg ponuđača Direktorice Zavoda za javno zdravstvo Kantona Sarajevo broj: 05.12.100-2770-Odluka o izboru – LOT 1/17 od 20.06.2017.godine, kojom se prihvata Ponuda ponuđača „**KEFO**“ **d.o.o. Istočno Sarajevo** kao najpovoljnija i kojom se ponuđaču "**KEFO**" **d.o.o. Istočno Sarajevo** dodjeljuje Ugovor za nabavku Poluautomatskog vertikalnog autoklava, za potrebe J.U. Zavoda za javno zdravstvo Kantona Sarajevo, zaključuje se slijedeći:

## **UGOVOR O JAVNOJ NABAVCI POLUAUTOMATSKOG VERTIKALNOG AUTOKLAVA**

**J.U. ZAVOD ZA JAVNO ZDRAVSTVO KANTONA SARAJEVO**, ulica Dr.Mustafe Pintola broj 1/III Ilidža - Sarajevo, identifikacioni broj:4200329950003, koga zastupa Dr med. sci. Snježana Balta, primarius, direktor (u daljem tekstu: Ugovorni organ)

i

**KEFO d.o.o. ISTOČNO SARAJEVO, ul.Ćorovićeva br. 1A**, identifikacioni broj: 4403208220006, koga zastupa direktor: Tošić Radmila, (u daljem tekstu: Prodavac), zaključili su:

### **I PREDMET UGOVORA**

#### Član 1.

- (1) Predmet ovog Ugovora je nabavka robe –jednog POLUAUTOMATSKOG VERTIKALNOG AUTOKLAVA za potrebe Ugovornog organa.

#### Član 2.

Ugovorni organ naručuje predmetnu robu, a Prodavac prihvata da isporuči istu, a na osnovu provednog postupka javne nabavke putem konkurentskog postupka i Odluke Ugovornog organa o izboru najpovoljnijeg Ponuđača.

#### Član 3.

Ugovorni organ i Prodavac su saglasni da Ugovorom realizuju prema već definisanim uslovima u Obavještenju o javnoj nabavci putem Konkurentskog postupka (u daljem tekstu:

Obavještenje) i prema tenderskoj dokumentaciji (u daljem tekstu: Tenderska dokumentacija)

i to:

- (1) Ugovorni organ prema zahtjevima u Obavještenju i Tenderskoj dokumentaciji
- (2) Prodavac, prema dostavljenoj ponudi i dokumentaciji sa preciziranim ponuđenim uslovima u prijavi na konkurentski zahtjev.

## II UGOVORENA CIJENA, GARANCIJA ZA DOBRO IZVRŠENJE POSLA, OBRAČUN I

### NAČIN PLAĆANJA

#### Član 4.

- (1) U obim roba iz člana 2. ovog Ugovora podrazumijevaju se roba po prihvaćenim cijenama sa uračunatim poreskim obavezama (Prema specifikaciji iz Obrasca za cijenu ponude i prihvaćenoj ponudi).
- (2) Ukupna vrijednost Ugovora iznosi 15.549,00 KM bez PDV-a odnosno 18.192,33 sa PDV-om.

#### Član 5.

- (1) Ugovorne strane su saglasne da će Ugovorni organ ukupnu vrijednost iz člana 4. stav 2. ovog Ugovora isplatiti u roku od 30 dana od dana isporuke robe, ako prilikom primopredaje isti nema primjedbi na isporučenu robu.
- (2) U slučaju da se prilikom primopredaje robe, konstatuju nedostaci i odstupanja od tehničkih specifikacija datih u Ponudi br. br: 17-010-690 od 15.06.2017. godine, Ugovorni organ se obavezuje da će isplatu izvršiti nakon što Prodavac otkloni nedostatke konstatovane u Zapisniku o primopredaji roba iz člana 7. stav 5. ovog Ugovora.
- (3) Ugovorni organ neće preuzimati robu niti plaćati fakture ukoliko se iskaže razlika u količinama na fakturi, otpremnici i narudžbenici.

## III ROK, MJESTO I NAČIN ISPORUKE ROBA

#### Član 6.

- (1) Izvođač se obavezuje da će u skladu sa članom 2. i 4. ovog Ugovora isporučiti robu Ugovornom organu i to u roku od 30 (trideset) dana od dana obostranog potpisivanja Ugovora. Ukoliko u toku trajanja Ugovora Prodavac promjeni broj telefona i faksa, odmah je dužan pismenim putem obavijestiti Ugovorni organ.
- (2) Prodavac se obavezuje dostaviti, instalirati i pustiti u rad predmetnu robu Ugovornom organu, propisanog kvaliteta, u traženim količinama i u dogovoreno vrijeme, također se obavezuje izvršiti adekvatnu obuku uposlenika Ugovornog organa.
- (3) Mjesto isporuke roba: sjedište Ugovornog organa, ul. Dr. Mustafe Pintola 1/III u J.U. Zavod za javno zdravstvo Kantona Sarajevo .

#### Član 7.

- (1) Prodavac se obavezuje da će isporuku robe koja je predmet Ugovora izvršiti u skladu sa zahtjevom Ugovornog organa i da će odmah postupiti po eventualnim primjedbama Ugovornog organa u pogledu nedostataka na ime kvaliteta izvršene nabavke.
- (2) Prodavac se obavezuje da isporučena roba iz člana 1. ovog Ugovora, bude traženog kvaliteta i karakteristika, odnosno kvaliteta i karakteristika.
- (3) Kvalitet i karakteristike robe koja je predmet ovog Ugovora, kontrolisat će ovlašteni predstavnici Prodavca i Ugovornog organa.
- (4) Primopredaju robe između Prodavca i Ugovornog organa izvršit će ovlašteni predstavnici Prodavca i Ugovornog organa.
- (5) Kvalitet i karakteristike robe koja je predmet ovog Ugovora, kontrolisat će ovlašteni predstavnici Prodavca i Ugovornog organa. Primopredaju robe između Prodavca i

Ugovornog organa izvršit će ovlašteni predstavnici Prodavca i Ugovornog organa. O navedenoj primopredaji robe sačinjit će se Zapisnik o primopredaji, odmah, a najkasnije u roku od 24 sata, od prijema robe, koji će potpisati ovlašteni predstavnici Prodavca i Ugovornog organa.

- (6) Ugovorni organ će utvrditi razuman rok za ispravku propusta Prodavca u smislu izvršene nabavke i isporuke.
- (7) Prodavac se obavezuje da će dostaviti odgovarajuće uputstvo o korištenju proizvoda na jednom od službenih jezika naroda BiH.

#### Član 8.

Prodavcu se postavlja uslov da nema pravo da zapošljava, u svrhu izvršenja ovog Ugovora, fizička ili pravna lica koja su učestvovala u pripremi tenderske dokumentacije, ili su bila u svojstvu člana ili stručnog lica koja je angažovala Komisija za javne nabavke, nadležna za dodjelu ovog Ugovora, najmanje šest mjeseci po zaključenju istog.

#### Član 9.

- (1) Roba utvrđena ovim Ugovorom mora biti u skladu sa tenderskom dokumentacijom i zahtjevima Ugovornog organa.
- (2) Ugovorni organ ima pravo stručnog kontroliranja kvaliteta isporučene robe, a Prodavac je u obavezi kontrolu omogućiti.

#### Član 10.

Ponuda Prodavca br: 17-010-690 od 15.06.2017. godine, na temelju koje je sačinjen ovaj Ugovor, čini sastavni dio istog.

#### Član 11.

- (1) Ovaj Ugovor se zaključuje na određeno, a najkasnije do izvršenja odredbi ovog Ugovora.
- (2) U slučaju eventualnih primjedbi Ugovornog organa na kvalitet robe, Ugovor se može djelimično ili potpuno raskinuti i prije njegovog isteka, uz prethodno izmirenje svih obaveza utvrđenih po osnovu ovog Ugovora.
- (3) Odredbe ovog Ugovora ne mogu se mijenjati nakon njegovog zaključenja.

### **IV UGOVORNE KAZNE I NAKNADA ŠTETE**

#### Član 12.

1) U slučaju kašnjenja u isporuci roba, do kojeg je došlo krivicom odabranog Ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe, za svaki dan kašnjenja do urednog ispunjenja, a najdalje 5 kalendarskih dana s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe. Odabrani Ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa, u protivnom Ugovorni organ će umanjiti fakturu za navedeni iznos

2) Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje izabrani Ponuđač nije mogao uticati niti ih predvidjeti

3) Ukoliko Prodavac na bilo koji način neuredno ispunjava preuzete ugovorne obaveze, a naročito u pogledu kvaliteta, kvantiteta roba i utvrđenih rokova, Ugovorni organ ima pravo raskida Ugovora i pravo da o trošku Prodavca ustupi posao drugom Prodavcu sa pravom

naknade troškova uvođenja novog Prodavca kao i pravo na naknadu mogućeg nastanka štete zbog neispunjenja Ugovorne obaveze.

## V ZAVRŠNE ODREDBE

### Član 13.

Eventualno nastale sporove pri realizaciji ovog Ugovora, ugovorne strane će rješavati mirnim putem, u protivnom, ugovara se nadležnost Suda u Sarajevu.

### Član 14.

Svaka od ugovornih strana može otkazati ovaj Ugovor pismenim putem uz otkazni rok od 15 (petnaest) dana iz svih razloga propisanih Zakonom o obligacionim odnosima.

### Član 15.

Za sve što nije regulisano ovim Ugovor, primjenjivaće se odredbe Zakona o obligacionim odnosima.

### Član 16.

Ovaj Ugovor stupa na snagu danom potpisivanja obje ugovorne strane.

### Član 17.

Ovaj Ugovor je sačinjen u 4 (četiri) istovjetna primjerka, od čega svaka ugovorna strana zadržava po 2 (dva) primjerka.

„KEFO“ d.o.o.  
ISTOČNO SARAJEVO  
DIREKTOR

KEFO

02 (Tošić Radmila)

Broj: 017366 /17  
Sarajevo, 28.07.2017. godine.

J.B. ZAVOD ZA JAVNO ZDRAVSTVO  
KANTONA SARAJEVO  
DIREKTORICA



Dr. med. sci. Snježana Balta, primarius  
Broj: 05.14.111-2770- Ugovor – LOT 1/17  
Sarajevo, 13.07.2017. godine.